

REGLUGERÐ

um afnám reglugerðar um viðvörunarmerki almannavarna,
nr. 640 12. september 1983.

1. gr.

Reglugerðin fellur úr gildi.

2. gr.

Reglugerð þessi er sett samkvæmt heimild í 6. gr. laga nr. 94 29. desember 1962 um almannavarnir og öðlast þegar gildi.

Dóms- og kirkjumálaráðuneytinu, 10. mars 2000.

Sólveig Pétursdóttir.

Hjalti Zóphóníasson.

13. mars 2000

Nr. 186

SAMÞYKKT

um breytingu á gjaldskrá um fráveitugjald
í Svalbarðsstrandarhreppi nr. 108/1995.

1. gr.

3. mgr. 3. gr. gjaldskrárinnar fellur brott.

Samþykkt þessi sem gerð er af sveitarstjórn Svalbarðsstrandarhrepps staðfestist hér með samkvæmt X. kafla vatnalaga nr. 15/1923 til þess að öðlast þegar gildi.

Félagsmálaráðuneytinu, 13. mars 2000.

F. h. r.

Sesselja Árnadóttir.

Hanna Sigríður Gunnsteinsdóttir.

14. mars 2000

Nr. 187

GJALDSKRÁ

Hitaveitu Skagafjarðar.

I. KAFLI

1. gr.

Hitaveita Skagafjarðar selur afnot hitaorku úr hitaveitukerfum þeim, sem gerð hafa verið eða kunna að verða gerð í lögsagnarumdæmi Sveitarfélagsins Skagafjarðar og hún hefur umráðarétt yfir eftir þeim reglum, sem settar eru í gjaldskrá þessari sbr. reglugerð staðfesta af iðnaðarráðherra nr. 871/1999 fyrir Hitaveitu Skagafjarðar.

2. gr.

Hitaveita Skagafjarðar lætur hverju húsi, sem er í sambandi við vatnsæðar hennar í té vatnsmagn, er ætla má að nægi til hitunar á húsinu. Hitaveitan lætur setja rennslismæli eða stillanlegan hemil fyrir hámarksrennsli til hvers upphitunarkerfis og miðast gjald hitaveitunnar fyrir selda orku við rúmmetra samkvæmt rennslismælinum eða það hámark, sem hemillinn er stilltur á. Hitaveitan ræður gerð rennslismæla og hemla og sér um viðhald og endurnýjun þeirra.

3. gr.

Einungis starfsmenn hitaveitunnar mega breyta stillingu innsiglaðra tengihluta. Hitaveitan breytir stillingu hemils eftir óskum húseiganda fyrsta árið, sem hús hans er tengt við hitaveitukerfið, en síðan verður hemilsstillingu að jafnaði breytt einu sinni á ári og skal skrifleg beiðni um breytingu koma fram við hitaveituna fyrir 1. september ár hvert. Hámarksstilling hemils gildir allt árið þótt vatnsnotkun verði minni hluta úr ári. Minnsta sala gegnum hemil skal vera 1 mínútulítri. Selt vatnsmagn standi ávallt á heilum eða hálfum mínútulítra.

Ef kaupandi óskar að hemill eða mælir sé prófaður skal hann senda skriflega beiðni þar um til hitaveitunnar. Komi í ljós við þá athugun að frávik sé 5% eða minna, er heimilt að gera kaupanda að greiða álestrargjald. Sé frávik meira skal hitaveitan greiða kostnað við prófunina og leiðréttá reikning kaupanda í samræmi við niðurstöður hennar, þó ekki fyrir lengra tímabil en tvo mánuði nema kaupandi eða HS, eftir því sem við á, geti sannað að um lengra tímabil hafi verið að ræða, þó lengst fjögur ár.

II. KAFLI

4. gr.

Hitaveita Skagafjarðar rekur nú þrjú aðskilin hitaveitusvæði og dreifikerfi með vatni sem hefur mismunandi efnainnihald og hita. Þessi svæði eru á Sauðárkróki, í Varmahlíð og á Steinsstöðum. Gjald fyrir eininguna af heitu vatni (m^3 eða l/mín) verða því mishá eftir svæðum. Fast gjald hjá þeim notendum sem kaupa heitt vatn eftir hemli skal vera krónur 210,00 pr. mán.

Gjöld fyrir afnot af heita vatninu eru sem hér segir.

Sauðárkróksveita:

Vatnsgjald kr. 1.029,30 á mánuði fyrir hvern mínútulítra í hámarksstillingu hemils.

Varmahlíðarveita:

Vatnsgjald kr. 1.538,25 á mánuði fyrir hvern mínútulítra í hámarksstillingu hemils.

Steinsstaðaveita:

Vatnsgjald kr. 818,50 á mánuði fyrir hvern mínútulítra í hámarksstillingu hemils.

5. gr.

Hitaveitugjöld skv. 4. gr. og 8. gr. verða krafín annan hvern mánuð og skulu þau greiddast til skrifstofu Sveitarfélagsins Skagafjarðar, í bönkum eða pósthúsum. Gjaldldagi er við framvísun reiknings eða tilkynningar um reikningsupphæð. Það eru vanskil, ef gjöldin eru ekki að fullu greidd innan 10 daga frá gjaldldaga.

III. KAFLI

6. gr.

Heimæðargjald Hitaveitu Skagafjarðar skal vera sem hér segir fyrir eina heimæð í þéttbýli:

Rúmmál húss (utanmál)	Heimæðargjald				
400 - 2.000 m ³ =	102.764 kr. fyrir	400 m ³ og	79 kr/m ³	þar yfir	
2.000 - 6.000 m ³ =	232.819 kr. fyrir	2.000 m ³ og	72 kr/m ³	þar yfir	
6.000 - 10.000 m ³ =	516.728 kr. fyrir	6.000 m ³ og	69 kr/m ³	þar yfir	
Meira en 10.000 m ³ =	777.989 kr. fyrir	10.000 m ³ og	49 kr/m ³	þar yfir	

Gjaldskrá þessi gildir í skipulögðum hverfum innan lögsagnarumdæmis Skagafjarðar.

Heimæðargjald Hitaveitu Skagafjarðar skal vera sem hér segir fyrir eina heimæð í dreifbýli:

Rúmmál húss (utanmál)	Heimæðargjald			
300 m ³ =	315.000 kr. fyrir	300 m ³ og	1.260 kr/m ³	þar yfir

Auk heimæðargjalds sem að framan greinir, skal greiða 1.575 kr. fyrir hvern lengdar-metra heimæðar frá stofnæð umfram 100 metra.

Sé um óskipulagt svæði að ræða, eða aðstæður óvenjulegar, er heimilt að krefjast sér-staks aukagjalds af húsráðanda eða gera honum að greiða fyrir heimtaugina samkvæmt kostnaði, en gera skal honum aðvart um það fyrirfram.

7. gr.

Gjöld samkv. 6. gr. eru miðuð við vísitölu byggingarkostnaðar. Er veitustjórn heimilt að breyta þeim í samræmi við þær breytingar, sem á nefndri vísitölu verða, að fenginni staðfestingu iðnaðarráðuneytisins hverju sinni.

IV. KAFLI

8. gr.

Samkvæmt ákvæðum í 2. gr. er heimilt að selja heitt vatn til einstakra notenda um rúmmetramæli. Hitaveitan setur upp slíka mæla og sér um viðhald og endurnýjun þeirra. Hjá notendum er kaupa vatn samkvæmt rúmmetramæli er heimilt að innheimta mælaleigu.

Gjald fyrir hvern rúmmetra vatns skal vera:

Sauðárkróksveita:	kr. 46,90
Varmahlíðarveita:	kr. 70,40
Steinsstaðaveita:	kr. 37,30

Mælaleiga fyrir hvern mánuð skal vera sem hér segir:

Fyrir mæla 1/2" - 3/4"	kr. 210 pr. mán.
Fyrir mæla 1" - 2 1/2"	kr. 956 pr. mán.
Fyrir mæla 3" og stærri	kr. 1.943 pr. mán.

9. gr.

Öll gjöld samkv. gjaldskrá þessari má taka fjárnámi á kostnað gjaldanda, sbr. 31. gr. reglugerðar fyrir Hitaveitu Skagafjarðar og 79. gr. laga nr. 58/1967 með síðari breytingum.

10. gr.

Hitaveita Skagafjarðar hefur rétt til að loka aðrennsli heita vatnsins að húsi eða íbúð notanda, sem vanrækir að greiða hitaveitugjöld. Fyrirætlun um lokun ber að tilkynna með fimm daga fyrirvara, sbr. 2. mgr. 28. gr. reglugerðar fyrir Hitaveitu Skagafjarðar.

Allan kostnað við lokun og opnun á ný greiðir sá, sem í vanskilum er. Gjaldið skal vera það sama og mánaðarleiga á 3" mæli skv. 8. gr. gjaldskrár þessarar í hvert skipti og gjald fyrir mælaálestur (aukaálestur) skal vera það sama og mánaðarleiga á 1" - 2 1/2" mæli skv. 8. gr. þessarar gjaldskrár.

Eftirlitsmanni Hitaveitu Skagafjarðar skal, hvenær sem er, frjáls aðgangur að öllum hitakerfum, sem tengd eru við hitaveituna. Er húseiganda skylt að hlíta tafarlaust fyrir mæl-

um hans um viðgerð á bilunum og sérhverjum ráðstöfunum til varnar gegn misnotkun á heita vatninu.

Við gjaldskrána bætist virðisaukaskattur eins og hann er samkvæmt lögum á hverjum tíma.

Gjaldskrá þessi, sem samþykkt er af sveitarstjórn Sveitarfélagsins Skagafjörður, staðfestist hér með samkvæmt orkulögum nr. 58, 29. apríl 1967 með síðari breytingum, til að taka gildi 1. apríl 2000 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá nr. 872, 21. desember 1999, með áorðnum breytingum, fyrir Hitaveitu Skagafjarðar.

Iðnaðarráðuneytið, 14. mars 2000.

F. h. r.
Jón Ingimarsson.

Katrín Jóhannsdóttir.

REGLUGERÐ

um breytingu á reglugerð um hafnaríkiseftirlit nr. 128/1997.

1. gr.

2. tölul. 5. gr. orðist svo:

Við val á skipum til skoðunar skal Siglingastofnun Íslands veita þeim skipum sem um getur í I. hluta I. viðauka, mestan forgang. Við ákvörðun á forgangsröð vegna skoðunar annarra skipa, sem um getur í I. viðauka, skal Siglingastofnun Íslands hafa hliðsjón af þeim heildarmarkþætti sem um getur í II. hluta í I. viðauka.

2. gr.

I. viðauki orðist svo:

I. VIÐAUKI

Val á skipum til forgangsskoðunar.

(sem um getur í 2. mgr. 5. gr.)

I. Ráðandi þættir.

Burtséð frá því hvert er gildi markþáttarins ber að líta svo á að eftirfarandi skip hafi forgang við skoðun.

1. Skip sem hafnsögumenn eða hafnaryfirvöld hafa lýst vanbúin þannig að siglingaöryggi þeirra sé stefnt í voða (samkvæmt reglugerð um tilkynningarskyldu skipa sem flytja hættulegan varning, nr. 710/1998 og 13. gr. þessarar reglugerðar).
2. Skip sem uppfylla ekki skyldur sem mælt er fyrir um í reglugerð um tilkynningarskyldu skipa sem flytja hættulegan varning, nr. 710/1998.
3. Skip sem skýrsla eða tilkynning hefur borist um frá öðru aðildarríki EES.
4. Skip sem skýrsla eða kvörtun hefur borist um frá skipstjóra, skipverja eða einstaklingi eða stofnun sem á réttmætra hagsmuna að gæta varðandi örugga starfsemi skips, aðbúnað og vinnuskilyrði um borð eða mengunarvarnir, nema Siglingastofnun Íslands telji slíka skýrslu eða kvörtun ekki á rökum reista; óheimilt er að veita skipstjóra eða eiganda viðkomandi skips vitneskju um nafn þess sem leggur fram skýrslu eða kvörtun.